

Akilerarusiinernik Aalajangiisartut aalajangiinerat

Ilisarnaat: 2017-17880
Aalajangiisoqarpoq: marts 21, 2018
Aalajangiinerup tamanut saqqummiunneqarnera:
Ukiut aningaasarsiorfiusut: 2016 aamma 2017
Sammissaq: Akileraarutit
Sammisat suuneri: Sulisunik attartortitsinermi / aalajangersimasumik ingerlatsivinni A-nik akileraart-
arneq

Eqikkaaneq

Sulisunut Kalaallit Nunaanni sanaartormik suliaqartunut akissarsiat Kalaallit Nunaannut akileraru-
tinik A-nik akileraartitsinissamut akiliinissamullu danskit ingerlatseqatigiiffiutaata XX-ip pisussaaffeqar-
neranut tunngatillugu naammagittaalliortoqarpoq.

XX isumaqarsimavoq ingerlatseqatigiiffik pilersuisuusoq akiliinissamillu pisussaaffeqanngitsoq. Aki-
leraartarnermut Aqutsisoqarfik isumaqarsimavoq XX sulisussanik Kalaallit Nunaannut attartor-
titsisarsimasoq, taamaammallu akileraartussaataalluni, tassami Kalaallit Nunaata Danmarkimik mar-
loriaammik akileraartitsisarneq pillugu Isumaqatigiissutaani (matuma kingorna DBO) sulisussanik at-
tartortitsinermi akileraartitsisartussaammat.

Akilerarusiinernik Aalajangiisartut sanaartormerit qaammatit arfinillit sinnerlugit sivirusseqarsima-
neri innersuussutugalugit akileraartussaaneq aalajangiusimavaat, tassami Danmarkimik DBO-mik isu-
maqatigiissut malillugu tamanna aalajangersimasumik ingerlatsinerummat, taamaalillunilu akileraru-
taasussaalluni. Taamaammat akileraartussaataitanermi XX pilersuisuunersoq imaluunniit sulisunik
attartorsimanersoq isummerfigissallugu apeqqutaasimanngilaq.

Suliami pissutsit piviusut

Z I/S Kalaallit Nunaanni sanaartormerit angisuumut suliarinnittussaavoq.

XX danskit ingerlatseqatigiiffiutigaat suliassanut piffissami 2. august 2016-imiit 3. marts 2017-imut
sulianut akunnernik suliffiusunik Z I/S-imut fakturaliisimasoq. Fakturat Z I/S-ip sanaartormerit
atatillugu Kalaallit Nunaanni suliarisimasaanut tunngassuteqarput. Aningaasat akiligassat inunnut
sulisimasunut tiimit 330 kr.-ikkaartut aamma ullormusiat 450 kr.-ikkaartut tunngavigalugit
naatsorsorneqarput.

XX 2016-imi inunnut arfinilinnut Danmarkimi najugalinnut, Kalaallillu Nunaanni sulisimasunut
akissarsianik tunniussaqaarsimavoq. XX inuit Kalaallit Nunaanni ukiup ingerlanerani ulluniit 53-iniit
115-inut najugaqarsimassasut naatsorsuisimavoq.

XX 2017-imi inummut ataatsimut Danmarkimi najugalimmut Kalaallit Nunaanni 2017-imi januaarip 10-
aniit marsip 3-nut sulisimasumut akissarsititsimavoq.

XX sulisorineqartunut Kalaallit Nunaanni 2016 aamma 2017-imi sulisimasunut katillugit 1.363.601 kr.-inik akissarsititsisimavoq. Akissarsianit akileraarutit A-t sulisitsisullu akiliutaat Danmarkimi akilersinneqarsimapput.

XX Akileraartarnermut Aqutsisoqarfiup Z I/S-imut sulisunik attartortitsisimasutut isigisimavaa, Kalaallillu Nunaat DBO malillugu sulisunik attartortitsinermit akileraartitsisussaammat Akileraartarnermut Aqutsisoqarfik akileraarutinit A-nut sulisitsisullu akiliutaannut akileraartitsisimavoq.

Naammagittaalliuuteqartup paasinninnera

XX isumaqarpoq matumani sulisunik attartortitsineq pineqarnani pilersuisimaneq pineqartoq. Tamannalu pissutigalugu akileraarutit A-t pillugit Kalaallit Nunaannut nalunaarnissamik akiliinissamillu pisussaaffeqarnani.

Tamatumunngalu tunngavilersuutigineqarput:

1. Z I/S XX-ip Kalaallit Nunaanni pilersuisutut sulinissaanut inniminniisimavoq.
2. XX Kalaallit Nunaannukarpoq pilersuisutullu suliaqarluni. Sulisussat immikkut ilisimasaqarlutik immikkullu pisinnaasaqarlutik suliarporput. Suliassaq immikkut ilisimasaqarluni suliassaq kuitsiviliornermik, saviminernik katiterinermik kueraanermillu pisariaqartitsivoq.
3. XX atortunik immikkut sulianik nassarpoq.
4. Sulisut namminneerlutik suliassatik piareersartarpaat.
5. XX suliat unioqqutitsinani eqqortumillu suliarinissaannut akisussaavoq.

Inatsisitigut malittarisassanut inatsisitigullu periaatsinut innersuussinerit

Akileraartussaataaneq:

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi §§ 1 aamma 2-mi Kalaallit Nunaannut tamakkiisumik killeqartumillu akileraartussaataaneq pineqarput. Aalajangersagaq Inatsisartut inatsisaatigut nr. 2, 26. april 2007-imeersutigut ilanngortinneqarsimavoq.

Tamakkiisumik akileraartussaataanermit ilaatigut ilaapput inuit Kalaallit Nunaanni najugaqavinnatik minnerpaamik qaammatini 6-ni Kalaallit Nunaanniittut, matumani ilanngullugit naatsorsuussaallutik feeramik assigisaanilluunniit pissuteqarluni Kalaallit Nunaata avataaniillatsiarnerit.

Killeqartumik akileraartussaataanermit ilaatigut ilaapput inuit sulisitsisumi Kalaallit Nunaanni angerlarsimaffeqartumi imaluunniit aalajangersimasumik ingerlataqartumi atorfeqartitaalluni sulinermit Kalaallit Nunaanni ingerlanneqartumik sulinermit akissarsianik tunineqartut.

Kalaallit Nunaata Danmarkillu akornanni DBO-mi art 5-imi "Aalajangersimasumik ingerlatsivik" pineqarpoq. Ilaatigut pineqartoq tassaavoq: "Uninnani sanalluni, sanaartorluni ikkussuillunilu sulinerit

qaammatinik 6-nik sivisunerusut". Sulinerup sivisussusaata naatsorsornerani piffissat suliaqarfiungitsut ilanngullugit naatsorsorneqassapput.

Pingaarnertut sanaartortitsisoq suliarineqartussamik suliaqarniarluni aallartippat, pingaarnertullu sanaartortitsisoq saniatigut suliffeqarfiutilinnut ilaanik suliakkiippat, saniatigut suliffeqarfiutillip sulinermut piffissamik atuinera pingaarnertut sanaartortitsisup sanaartornermut piffissamut atuineratut isigineqassaaq. Saniatigut suliffeqarfiutillit ataasiakkaat qaammatit arfinillit sinnerlugit suliaqarsimappata nunami namminneerlutik aalajangersimasunik ingerlatsiveqalersinnaapput.

Sulisunik attartortitsisarneq:

Sulisunik attartortitsisarnermi inuit suliffeqarfimmit (attartortitsisoq) suliffeqarfimmut allamut (suliakkiisoq) suliassap suliarineqarnissaanut sulisussat pineqarput, matumani attartortitsisoq akisussaangippat imaluunniit sulinerup naammassinissaanut akisussaangippat.

Artikel 15, imm. 2, litra d) DBO-miittoq sulisunik attartortitsisarnermut tunngassuteqarpoq, takuuk DBO-mi isumaqatigiissummut tapiliussami 19. august 2008-imeersumi kingusinnerusukkut allanngortinneqartut.

Sulisunik attartortitsisarnermi akissarsiat nunami suliap suliarineqarfiani akileraaruteqaataasussaapput.

Pisup sulisunik attartortitsinertut imaluunniit suliassinneqartutut naliliiffiginiernerani naammassiinnagasaanera pingaarnertutinnagu pissusiviusut pingaarnertutinneqartussaapput. Sulisitsisutut atuunnerit pingaarnertigut sulisitsisumit atuisumilluunniit suliarineqarnerisut tamatigut misissortariaqarput.

Sulisunik attartortitsisarnermut maleruagassat aatsaat atorineqartarput suliffeqarfik nunamit allaneersoq sulisussanik Kalaallit Nunaanni sulisoqarniarpat.

Akileraarutaagallartunik unerartitsineq:

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 76-imi akissarsianik Kalaallit Nunaanni akileraaruteqaataasussanik tunniussaqaarnermi akileraarutaagallartunik unerartitsinissamut pisussaaffeqarneq pineqarpoq. Pisussaaffik annermik akiligassalimmut tutsinneqartarpoq.

Aningaasarsianit akileraarutit pillugit Inatsisartut inatsisaata nr. 12, 2. november 2006-imeersup allanngortinnera pillugu Inatsisartut inatsisaanni nr. 18, 26. juni 2017-imeersumi § 76, imm. 4-mik nutaa-jusumik ilanngussisoqarsimavoq. Allanguut 1. januar 2018-imiit atuutilerpoq. Tamatuma kingorna massakkut immikkoortut 4 aamma 6-iusut immikkoortunut 5 aamma 7-imut allanngortinneqarput. Aalajangersakkat sulisunik attartortitsisarnermut tunngassuteqarput. Aningaasarsianit akileraarutitik A-nik unerartitsisarnermut pisussaaffik sulisussanik attartortitsisumiit attartortumut nuunneqarpoq, matumani attartortoq nunami Namminersorlutik Oqartussat akileraarutitik unerartitsinissaq pillugu isumaqatigiisuteqarfigisaanni aatsaat najugaqarsimappat.

Inatsisissatut siunnersuummut nassuiaatini sulisunik attartortitsinerit naliliiffiginissaanni suut pingaartinneqassanersut takuneqarsinnaapput.

Inatsisissatut siunnersuutip saqqummiunnissaanut tunngatillugu nassuiaatit issuarneqarneri:

Sulisunik attartortitsineq imaluunniit nammineerluni sammisaqarneq pigineqarneris pillugit naliliisoqassanersaq aalajangersakkap kingunerissavaa. Taamatut naliliineq pissutsinik pissusiviusunik tunngaveqartariaqarpoq, suliffeqarfillu akornanni isumaqatigiissut qanoq taaguuteqarneris pillugit tunngaviginagu.

Sammineqartoq kalaallit suliffeqarfiutaannut imaluunniit inuup niuernerimik ingerlatsineranut ilaasi-mannigippat imaluunniit sammineqartoq inuussutissarsiutigalugu suliffittut namminersortutut nunamit allamit pigineqartutut immikkoortinneqarsinnaassappat sulisunik attartortitsinerit taaneqarsinnaannginneranik kinguneqassaaq.

Sulisunik attartortitsineq pigineqarneris paasineqassappat ilaatigut makku isiginiarneqartariaqarput

- *Suliffeqarfik sorleq inummut ilitsersuisussaataava.*
- *Suliffeqarfik sorleq nakkutilliusussaataaernerit nakkutiginnittuua.*
- *Sammisamat kina akiliissava akisussaassavalu.*

Sulisunik attartortitsisoqarnera paasineqassappat kalaallit suliffeqarfiutaat il.il. akileraarutinut tunngatillugu sulisitsisorpiartut isigineqassaaq. Tamannalu aamma aningaasarsianit akileraarutit pillugit inatsimmi § 2, imm. 1 malillugu sulisartunut attortorneqartunut tunngatillugu qanoq ilineratigut Kalaallit Nunaannut akileraartussaataaernerup atornissaanut pingaarteqarpoq.

Nuna alla sinnerlugu akileraartitsisarneq:

Aningaasarsianit akileraarutit pillugit inatsimmi takuneqarsinnaavoq Kalallit Nunaat Danmarkilu nammineq nunatik sinnerlugit akileraartitsinissamik isumaqatigiissuteqarsinnaasut. Nunallu taakku akileraartitsisarnerup pisussaaffiginerata sakkukinnerunissaa pillugu isumaqatigiissuteqarsinnaapput, taamaalilluni marloriaammik akileraartitsisarneq pinngitsoortillugu, takuuk Aningaasarsianit akileraarutit pillugit inatsimmi 2. november 2006-imeersumi §§ 78 aamma 114. Taamaalillunilu kildeskatteloven malillugu danskit akileraarutinut ilanngaassinnginnissaat pillugu qinnuteqartoqarsinnaavoq, matumani sulisitsisoq Kalaallit Nunaanni sulisunik sulisoqarsimappat (Blanket 01 005).

Danmark Kalaallillu Nunaat nammineq nunatik sinnerlugit akileraartitsisarneq pillugu isumaqatigiissusiorsimapput. Kalaallit Nunaannut tunngatillugu Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaanni nr. 10, 20. september 2011-imeersumi §§ 26 aamma 27 (kap 7) takuneqarsinnaapput. Danmarkimut tunngatillugu Kildeskattetekendtgørelsimi kapitali 11-mi §§ 38 aamma 40-mi aalajangersakkat takuneqarsinnaapput (BEK nr 499 af 27/03/2015 Atuttoq – siusinnerusukkut BEK nr 1159 af 03/12/2012-iusimasoq - §§ 38 – 40 nalunaarutiniittut allanngorsimangillat). Nunani marlunni taakkunani malerua-gassat assigiipput.

Kildeskattimik nunanut allanut akileraartitsisussaataaneq pillugu isumaqatigiissut aamma Danmarkip aamma Kalaallit Nunaat marloriaammik akileraartitsisarneq pillugu Isumaqatigiissutaanni Art 25-imi

takuneqarsinnaavoq. Sulisitsisoq danskiusoq taamaalilluni Kalaallit Nunaannut kildeskatimik akiler-aartitsisussaavoq, matumani sulisup akissarsiaanik akileraaruteqaataasussanik sulisumut akissarsi-aqartitsisimappat.

Ilanngaateqartarnissamik isumaqatigiissut:

Kalaallit Nunaat Danmarkilu Akileraarutinut suliani illersorteqarsinnaaneq pillugu Danmarkip Kalaallillu Nunaata akornanni Isumaqatigiissummi 18. oktober 1979-imeersumi Punkt 20 naapertorlugu tapilius-samik isumaqatigiissuteqarsimapput. (marloriaammik akileraartitsisarneq pillugu isumaqatigiissummi art 26). Kalaallit Nunaat akileraarutit Danmarkimi akilernerqarsimasut Kalaallit Nunaannut nuunneqar-nissaannik SKAT Danmarkimut qinnuiginnissinnaavoq, takuuk pkt 5 i Bek nr 37 af 20/01/1986 (danskite nalunaarutaat).

Sulisogarnermut akitsuut

Sulisitsisoq akileraarutinut A-nut unerartitsillunilu akiliisussaq aamma akissarsiat tamarmiusut 0,9 %-iannik sulisoqarnermut akitsuummik akiliuteqassaaq, takuuk Sulisoqarnermut akitsuut pillugu Inatsisartut inatsisaanni nr. 10, 2. november 2006-imeersumi §§ 1 aamma 2.

Unerartitsisussaataitaanerup naammassineqarsimannginnera:

Akileraarutinut unerartitanut unerartitsisussaataitaasoq unerartitsissaaq, nassuiaassaaq akiliuteqar-lunilu. Pisussaaffiit eqqortinneqanngippata unerartitsisussaataitaasoq aningaasanut akilernerqarsi-manngitsunut akisussaataitaasussaavoq, takuuk Aningaasarsianit akileraarutit pillugit inatsimmi nr. 12, 2. november 2006-imeersumi §§ 81 aamma 93.

§ 93-mut nassuiaatit malillugit sumiginnaasoqarsimassaaq unerartitsisussaataitaasoq unerartitsinissa-mut maleruagassanik malinnissimanngippat.

Unerartitsisussaataitaasoq akiligassinneqarsinnaavoq akileraarutinut A-nut akileraartitsisoqarnerani piaarisogarsimappat imaluunniit mianersugaallortoqarsimappat. Takkuk Aningaasarsianit akileraarutit pillugit Inatsisartut inatsisaanni nr. 12-imi, 2. november 2006-imeersumi §§ 105 allallu.

Aningaasarsianik tiguisortaaq unerartitsisoqarsimanngippat imaluunniit unerartitat ikippallaarsimap-pata akileraarutinut A-nut piaartumik akiliinissamik pisussaaffeqarpoq. Akileraarutinut A-nut unerarti-tassat akilernerqarsimanngitsut aatsaat ukioq aningaasarsiorfiusoq naareersoq paasineqassappata akileraarutinut A-nut akilinngitsuukkat aningaasarsiorfup inaarutaasumik naatsorsuutaani iluarsii ffi-gineqassapput, pisariaqassappallu akileraarutit sippuutaattut akilersinniarneqassallutik. Takuuk Anin-gaasarsianit akileraarutit pillugit Inatsisartut inatsisaanni nr. 12, 2. november 2006-imeersumi § 94.

Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaanni nr. 10, 20. september 2011-meersumi akileraarutinut unerartitanut piffissaq eqqorlugu akilernerqarsimanngitsunut akiliisitsiniartarneq

erseqqissaaffigineqarpoq. Sulisitsisut Nalunaarsorsimaffiannut nalunaarsorsimanissamik pisussaaffik nalunaarummi aamma takuneqarsinnaavoq.

Akilerarusiinernik Aalajangiisartut aalajangiinerat tunngaviliinerallu

XX sulisunik attartortitsinermi unerartitsinissamik pisussaaffeqarneq pillugu maleruagassanik unioqqutitsisimangilaq. Akerlianilli XX assortorpaa sulisunik attartortitsineq matumani pineqarmat, tassami XX nammineq isumani malillugu Z I/S-imut pilersuisuugami.

XX-ip sulisui kalaallit akileraartarnermut inatsisaat aamma Danmarkimik marloriaammik akileraartitsisarneq pillugu isumaqatigiissutaat naapertorlugit akissarsiaminnik akileraaruteqaataasussanik Kalaallit Nunaannut imaattoqarsimappat akileraartussaammata:

- XX aalajangersimasumik ingerlatsiveqarsimappat
- imaluunniit sulisut sivikinnerpaamik qaammatini arfinilinni Kalaallit Nunaanniissimappata (ukiumi akileraarfiusussami pineqartumi qaammatit 12-t ingerlaneranni ikinnerpaamik ulluni 183-ini Kalaallit Nunaanniissimappata)
- imaluunniit Kalaallit Nunaanni Z I/S-imut sulisussatut attartorneqarsimappata (attartortoq sulisitsisuvittut isigineqarpoq - attartortitsisoq sulisitsisuinnartut isigineqarpoq)

XX-ip sulisui Z I/S-ip suliarisassaanut isumaqatigiissutaata naammassinissaanut atatillugu kuitsiviliornermik, saviminernik katiterinermik kueraanermillu suliaqartussaapput. XX-ip aamma Z I/S-ip akornanni isumaqatigiissutip uppersarnissaanut isumaqatigiissummik assingusumilluunniit saqqummiussaartoqanngilaq. Paasissutissat massakkut pigineqartut tunngavigalugit ilumut suliasat XX-ip suliarisimasai imatut isikkoqarsimassanersut XX aalajangersimasumik ingerlatsiveqarsimassanersoq imaluunniit sulisunik attartortitsisisoqarsimassanersoq nalornisoqarsinnaalerluni.

XX 2017-imi aggustip ulluisa aappaaniit marsip ulluisa pingajuanut sulinermit tiiminik fakturaliorsimasoq uppersaatissaqarpoq, tassalu sanaartortitsineq qaammatit arfinillit sinnerlugit sivilisussuseqarsimavoq, tamannalu Danmarkip Kalaallillu Nunaata akornanni DBO-mi Art 5 malillugu Kalaallit Nunaanni aalajangersimasumik ingerlatsiveqarnissamut naammappoq. Illuatungeriit isumaqatigiissutaannut uppersaammik saqqummiisoqarsimangimmat matumani pilersuisuunissaq pillugu isumaqatigiissut sulinermit tamarmut attuumassuteqartoq pineqartoq tunngavilersuutaavoq.

Sulisut ullut suliffigisarsimasaat XX naapertorlugu ulluq 53-iniit 115-inut sivilisussuneqarput, tassalu Aningaasarsianit akileraarutit pillugit inatsimmi § 2, imm. 1 nr. 1 naapertorlugu Kalaallit Nunaannut killeqartumik akileraartussaataallutik. XX taamaalilluni sulisunut Kalaallit Nunaanni sulisimanermut akileraarutininik unerartitsisussaavoq, takuuk taamani Aningaasarsianit akileraarutit pillugit inatsisaasimasumi § 76.

Sulisorineqartut ullut suliffii imatut sivisutinngillat Kalaallit Nunaanni tamakkiisumik akileraartussaataasinnaannik kinguneqartussaalluni.

Aalajangersimasumik ingerlatsiveqarnermut imaluunniit sulisunik attartortitsisarnermut maleruagassat malillugit XX unerartitsinissamut pisussaaffeqaraluarpalluunniit sulisut ulloq siulleq aallartiffigalugu Kalaallit Nunaannut killilimmik akileraartussaataassapput. Naliliinissarli XX-ip Kalaallit Nunaanni aningaasarsiaanut Kalaallit Nunaannut killilimmik akileraartussaataaneranut sunniuteqartussaavoq. Naammagittaalliuutitut suliame taamaallaat XX-ip sulisunut Kalaallit Nunaanni suliaqarsimasunut akissarsiaritineqartunut akileraarutinik unerartitsinissamut il.il. sulisitsisutut pisussaaffii pineqarput. Taamaammat Akileraarusiinermik Aalajangiisartut XX-ip Kalaallit Nunaannut akileraartussaataaneranut isummissallutik piginnaatitaanngillat.

Akileraartarnermut Aqutsisoqarfik akissarsiarineqartut 1151336 kr.-iusut tunngavigalugit akileraarutinut A-nut aamma sulisoqarnermut akitsuutinut akileeqqusisimavoq. Tamatuma kingorna sulisunut 1363601 kr.-inik tunniussisoqarsimanera pillugu paasissutissanik pissarsisoqarsimavoq.

Akileraartarnermut Aqutsisoqarfiup suliffeqarfiup sulisuinut Kalaallit Nunaanni suliaqarsimasunut XX-ip akissarsititsisimaneranut kildeskatimik akiliisitsisimanera eqqortuuvoq. Akissarsiat tunniunneqartut pillugit paasissutissanut iluarsineqartunut naapertuuttumik akileraarutinut piunasaqarneq iluarsineqarpoq.

Inatsisitigut tunngavigineqartut: Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi §§ 2, 76, 78, 81, 93 aamma 114.

Sulisoqarnermut akitsuut pillugu Inatsisartut inatsisaanni nr. 10, 2. november 2006-imeersumi §§ 1 aamma 2.

Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq

Kalaallit Nunaata Danmarkillu akornanni DBO-mi Art 5, 15 aamma 25